

Proces evropskih integracija

korak po korak

oktobar 2021.
#EUenlargement

Kredibilna politika proširenja predstavlja geostrateško ulaganje u **mir, stabilnost, sigurnost i prosperitet** u Evropi. Temelji se na pravičnim i rigoroznim uslovima i principu vlastitih zasluga. To zahtijeva da zemlje kandidatkinje provedu složene reforme u mnogim oblastima, kao što su vladavina prava, ekonomija, borba protiv korupcije i organizovani kriminal. Od najveće važnosti su pomirenje, dobrosusjedski odnosi i regionalna saradnja.

Osnovni koraci u procesu evropskih integracija



1 Zemlja podnosi zahtjev Vijeću (države članice EU).



2 Komisija dostavlja Mišljenje po zahtjevu.



3 Države članice EU jednoglasno donose odluku da se zemlji dodijeli status kandidata.




4 Nakon što se ispune uslovi, otvaraju se pristupni pregovori uz saglasnost svih država članica.



5 Komisija predlaže nacrt pregovaračkog okvira kao osnovu za pregovore, a kojeg potom trebaju usaglasiti države članice.



6 Tokom pregovora, koji su strukturirani prema klasterima i poglavljima, zemlja se priprema za provedbu propisa i standarda EU. Sve države članice EU moraju se usaglasiti da su u svakom pojedinačnom slučaju ispunjeni svi zahtjevi.



7 Nakon što se finaliziraju pregovori po svim oblastima, Komisija daje svoje Mišljenje o spremnosti zemlje da postane država članica.



8 Na temelju ovog Mišljenja, države članice EU jednoglasno odlučuju o zaključenju pregovaračkog procesa. Saglasnost također daje i Evropski parlament.




9 Sve države članice EU i zemlja kandidat potpisuju i ratificiraju Ugovor o pristupanju koji zemlji omogućava da postane država članica EU.

Klasteri pregovaračkih poglavlja

Nakon uvođenja **revidirane metodologije za pristupne pregovore u februaru 2020. godine**, pregovaračka poglavlja su sada podijeljena u **šest tematskih klastera**:

- 1** Temeljna pitanja
- 2** Unutrašnje tržište
- 3** Konkurentnost i inkluzivni rast
- 4** Zelena agenda i održiva povezanost
- 5** Resursi, poljoprivreda i kohezija
- 6** Vanjski odnosi



Pregovori po svakom klasteru **otvaraju se u cijelosti** nakon što zemlja ispuni uslove za otvaranje. Svako poglavlje obrađuje se pojedinačno s obzirom na njegovo provizorno zatvaranje. Pregovori o **temeljnim pitanjima prvi se otvaraju i posljednji zatvaraju**; napredak u okviru klastera temeljnih pitanja određuje ukupnu dinamiku pregovora. Ukoliko je ostvaren zadovoljavajući napredak po reformskim prioritetima, to bi trebalo dovesti do bliže integracije s Evropskom unijom, kroz ubrzanu integraciju i povećana ulaganja i finansiranje.